

VOX URBIS

DE LITTERIS ET BONIS ARTIBUS COMMENTARIUS

BIS IN MENSE PRODIT

Pretium annuae subnotationis, *ante solvendum*, est: in Italia Libellarum 10;
ubique extra Italiam Lib. 15; M. 12; Sch. 12; Doll. 3; Rubl. 6; Flor. 7½.

Inscriptiones et omne genus indicationes pretio aequissimo referuntur, quod est in extremis commentarii paginis
Lib. 0.50 pro unoquoque centimetro quadrato

Cuncta mittantur ad ARISTIDEM LEONORI equitem, commentarii VOX URBIS possessorem et administratorem
ROMA — Via Alessandrina, 87 — ROMA

Subnotatio fieri potest:

IN RUSSIA	IN ANGLIA	IN CIVITATIBUS FOEDERATIS AMERICA SEPTENTR.	IN GERMANIA	IN CANADA
Apud GRESCHNER ET WOLF VARSAVIAE POLONIAE Rakowskie Przedmiescie, 15	Apud BURNS AND OATES LONDON W. 28, Orchard Street.	Apud FRIDERICUM PUSTET S. Sedis, Apost. et S. Rituum Congr. Typogr. NEW YORK 52, Barclay Street. CINCINNATI 436, Main Street.	Apud FRIDERICUM PUSTET S. Sedis Apost. et S. Rituum Congr. Typogr. RATISBONAE in BAVARIA	Apud LIBRAIRIE GRANGER FRERES MONTREAL 1889, Rue Notre-Dame.

RERUM INDEX

DIE NOMINALI LEONIS XIII P. M. Carmen de concordia ecclesiarum . .	P. Angelini.
ADOLESCENTUM INSTITUTIO A PARENTIBUS PERFICIENDA	A. Bonuccelli.
MEDICINA « CIVILIS »	P. Alt.
DE RUSTICATIONE	H. D. V. Pierallice.
LEONIS PP. XIII VITA RUSTICANA	H. P.
MARIAE STUART, SCOTORUM REGINAE, MYSTERIUM	A. Costaggini.
EX MORAVIA. Opus « vere monachicum »	M. Kinter.
FABULAE SELECTAE FONTANII A IOANNE BAPT. GIRAUD LATINE REDDITAE .	Fr. Xav. Reuss.
DE « SYMBOLISMO »	Senior.
VITA FUNCTI VIRI CLARIORES	I. F.
DE GERMINANTIBUS ET FLORIBUS ANIMADVERSIONES NOVAE	M. Lani.
ANNALES	Propoplicola.
AENIGMATA	A. E. De Druffel.

In secunda operculi pagina:

PROSPECTUS NOVAE SUBNOTATIONIS COMM. VOX URBIS A KAL. IULIIS
AD EXPLETUM ANNUM MCMII.

In tertia operculi pagina:

VARIA: Corallinae rupis antiquitas. - De Ioachimo Rassinio. - Ex ore
iudicium P. d. V.
EPISTOLARUM COMMERCIIUM A secretis.

ROMAE


EX OFFICINA PACIS, PH. CUGGIANI

35, Via della Pace

M CMII

ROMAE — VIA SUTINA, 129 — ROMAE



 **IBER** (vulgo “**ALBUM**,”
praecipua Urbis referens, pulcri-
tudine insignis atque, commen-
tarii *Vox Urbis* moderatore iubente, expresse
conflatus, apud eundem commentarii admi-
nistratorem, **ROMAE, VIA ALESSANDRINA, 87,**
ven. lib. **150.**

ROMAE - Via Alessandrina, 57

PROSPECTUS NOVAE SUBNOTATIONIS
FAL. QUAUSQUE AD EXPLETUM ANNUM MCMLII.

(Vid. in secunda operculi pagina).

ARTE FOTOGRAFICA EXPRESSAE

RELATIONES VARIARUM ET NUMERO ET PRETIO

Vox Urbis cum. VOX URBIS Administratorem.

URVIS E IANICULO MONTE PROSPECTUS

(m. 1.10×0.24)

qui vult commentarii VOX URBIS dono datus est,
venit singillatim L. 2.50

apud eum. FOX URBIS Administratorem.

HA MINORI ACCIPET PRETIO.

Sociis qui in Nordica America versantur vehementer commendamus quod a Sodalibus Carmelitis novissime institutum est ac regitur

COLLEGIUM SANCTI CYRILLI

ad liberalem eandemque Christianam et nostrae
aetati aptam institutionem iuvenibus comparandam.

Prospectus studiorum et regularum, quae collegium moderantur, petatur ab ipsius Collegii Preside, 6413 Star Avenue (Woodlawn) — Chicago, Illinois.

LE LAUDI LATINE

IL CANTICO DEL SOLE

DI

3. FRANCESCO D'ASSISI

S. Maria degli Angeli, presso Assisi, tip. della Porziuncola, 1897

Hoc libello praeter venustam praefatiunculam a Paulo Sabatier, viro rei longe peritissimae, conscriptam, continentur laudes latinae cum interpretatione italica, *Canticum Solis*, necnon illa *Speculi perfectionis* capita, quae *Cantici* originem exponunt, aliaque permulta. Libellum, quem proxime alii subsequenter ad parvam *Bibliothecam Franciscanam* comparandam, Iulius Salvadori, litteris tradendis doctor egregius, maxima edidit cura. Romae apud commentarii *Vox Urbis* Administratorem venit L. 0.50, in pauperum levamen.

PHILIPPUS VITI Eques
MARMORARIUS

ROMAE - Via Alessandrina N. 51, 52 - ROMAE

Affabre sculpsit quae sunt ad simulaora, altaria, sacella, aediculas, uti patet ex operibus erectis aut reffectis in Basilica Lateranensi, Liberiana, Laurentiana extra muros, Transtiberina, Eudoxiana, etc.

VOX URBIS

DE LITTERIS ET BONIS ARTIBUS COMMENTARIUS

PRETIUM SUBNOTATIONIS:

In Italia: Lib. 10 — Ubique extra Italiam:
Lib. 15, M. 12, Sch. 12, Doll. 3, Rubl. 6, Flor. 7 1/2.

BIS IN MENSE PRODIT

POSSESSOR ET ADMINISTRATOR:

ARISTIDES LEONORI, eque.
ROMAE - Via Alessandrina, 87.

DIE NOMINALI LEONIS XIII P. M.

CARMEN

DE CONCORDIA ECCLESiarUM

Fiet unum ovile et unus pastor.

Io., X, 16.

*Candida musarum nutrix, cui mitis olivae
Ramus et adsurgit molli de cortice spica,
Dissidiis inimica feris odiisque cruentis,
Aurea corrupto ducis quae saecula mundo
Dulce canens magnos Augusti Caesaris ortus
Constantique genus, quo vindice Roma quievit,
Huc niveis, Pax alma, veni placidissima pennis
Et tecum iunctis felix concordia dextris;
Huc gressus Pax alma feras, te namque morantem
Tertius a decimo Leo votis urget anhelis.*

*Cinxerat Ille recens triplici diademate frontem,
Ingentesque ausus animosaque coepta secutus
Grande movebat opus, si quando posset in unum
Cogere Pastor oves, noto quas gramine abactas,
Palantes error certo de tramite flexit.
Stant animo fixae gentes, quas vana subegit
Libertas sacrata Petri dissolvere iura,
Et cultu spoliata Fides atque agmine denso
Multa odii concreta modis mala semina diris.
Presserat haec caeco veluti nox longa sopore,
Et super antiquâ cubuerunt saecula lite;
Cum vox audita est ingens qua mergitur alto,
Quaque coloratis effert se Phoebus ab Indis.
Divisos revocantis erat vox illa Leonis.*

*— « O male deductae septis felicibus, — inquit, —
Aeterni Pastoris oves, huc tendite gressus.
Roma manet terris nomen fatale regendis
Sanguine tincta Petri: Romam concurrite gentes.
En ego trans gelidas Alpes pontumque sonantem
Ad vos protendo palmas cum voce seniles
Iustitiae pacisque dator placidaeque quietis.
Nec pelagi mediis iter intercluditur undis,
Non atlantiacis humeris, non igne nec aurâ.
Omnia iunxit Amor iungi quae posse negares.
Temporis ac spatii leges humana fefellit
Calliditas nigrâ subducens fulmina caelo,
Ignea verba, quibus voces sensusque paterent.
Fumeus effreni currum rapit impete vortex,
Assibilans armenta boum terrasque fugaces.
Et quidam insolitis raptus super aethera pennis
Radit iter liquidum scythicasque enavit ad Arcetos.
Omnia iungit Amor, nec dissociabile quidquam est.*

*At vos, ceu nubes ventis discordibus actae,
Nunc huc nunc illuc errantes ibitis? Una
Si patria est laudi, sit cur non una fidesque?
Si vos libertatis agit tam dira cupido,
An maior quam quae multorum sanguine parla
Et nece libertas, tarpeta vincula rumpens,
Vecta triumphali petiit Capitolia curru?
Illius inscriptum sublimi in vertice saxi:
Libertas heic vera Crucis, duce et auspice Petro:
Roma salus populis: Romam concurrite gentes.»*

*Dixerat, et vasti subito trans caerula ponti
Fama volat summique refert pia verba Leonis.
Bosphorus attonitus refluxo dedit aequore spumas;
Optavit socias Tanais sibi Tybridis undas.
Dives odoratae messis Panchaia tellus
Arsit Clitumni tauros latiosque racemos.
Ipsa suas agitans generosa Britannia nubes
Iubundo Italiae caelo subrisit et arvis.
Fallor? an incipiunt flavae splendescere messes
Et Domini largo pubescere vinea foetu?
O decus Ausoniae, doctae quem flamma Minervae
Urit et aetherio Sapientia nectare pascit;
Hernica cantanti cui saxa arcesque Quirini
Demisere caput, quis Marsya dicere falsis
Audeat auspiciis ductum te vana precari?
Forsitan ad sacros latices Aganippidos undae
Musa docet iuvenes, me iam labente, poetas
Dicere carminibus, quot spiritus iste Leonis
Igneus afflando vitae revocaverit auras,
Unius atque unum pastoris ovile referre.*

*At Te, Magne Pater, trepidi spes unica mundi,
Seu frenas populos regesque in bella ruentes,
Seu prodis, vastâ sub rerum mole laborans,
Ingenii monumenta et sancti pectoris artes,
Seu Sophiae indulges, citharam seu tangis eburnam,
Ne Te sublimi rapiat cita Gloria curru.
Nomen et acta quidem mature inscripsit Olympo:
Ast iter illa tuum strictis remoretur habenis.
Hunc splendere diem seros patiat in annos
Et Ioachim festis velari frondibus aram.
Grandia coepta manent: votis non ante solutis,
Ne cognata Tibi rutilantia sidera tangas.*

PETRUS ANGELINI.

AD MAGIS MAGISQUE
"VOX URBIS", COMMENTARII PROPAGATIONEM AUGENDAM
NOVA INDICTA EST SUBNOTATIO

A KALENDIS IULIIS USQUE AD EXPLETUM ANNUM MCMII
(NUM. XIII-XXIV).

UT ACCEDERE OMNES POSSINT

SUBNOTATIONIS PRETIUM CONSTITUTUM EST:

Libel. 2,50; Mar. 2; Sch. 2; Rubl. 1; Cor. 2 $\frac{1}{2}$.

Qui insolita, gratuita paene, huius con-
sociationis ratione frui volunt, nulla inter-
posita mora, nomen suum cum pretio recto tramite
mittant ad

ARISTIDEM LEONORI EQUITEM

COMMENTARII "VOX URBIS", POSSESSOREM ET ADMINISTRATOREM,

ROMAM, via Alessandrina 87.

A PARENTIBUS PERFICIENDA

At longe aliter res est pandenda. Hinc nos exemplis edocemur, scholasticam tantummodo exercitationem adolescentibus nec omnino non esse. Quorumnam igitur visui parentum erit adolescentes domi ad laborem impellere, mentes exacuere et currentibus calcar adiicere? Equid? Num fore aliquando putes, ut tirores ipsi per se ad litteras excitentur? Ut otio ac voluptatibus abdicatis ad laborem, ad vigilas animum intendant, atque desudent? Meliora ipsi bene vident, ac vel inertis, vel pravae consuetudinis

Itaque parentes optimi magistris nobiscum
adlaborent, animum intendant ut domi etiam

A. BONUCCELLI S. P.

MEDICINA „ CIVILIS „

Medicina « civilis » iuribus quoque inseritur, iis praesertim, quae de criminis hominum poenis inquiruntur; huiusmodi enim dubia et quaestiones novam semper operam expetunt, eiusque disciplinam Germani iam sub Italia cum laude accipiunt. Denique in civili medicina etiam leges quae contra inflammantes potius, quae contra malos mores feruntur locum obtinent.

fragio probante rem essent sustentaturi. Maria itaque dedit victas manus; illi, ut Darnley, catholicae factionis quasi principem, amoverent, at simul reginam pellerent, suaserunt ut is duceretur domum Kirk O' Field, ubi paucis post diebus vir interfectus est. Omnia igitur, quae deinde incusatores et delatores eius effinxere, ut ream criminis evincerent, fabulosa prorsus evadunt; probationes enim quas attulerunt, vacuas omnes inanesque Lang scriptor recognovit, atque contrariis argumentis strenue oppugnatas.

Litterae illae supersunt, quae *lettres du cofret*, uti diximus, vocantur carminaque tredecim, quae simul cum iis adducta sunt in iudicium. Attamen index nullus earum authenticitatem examinavit: quin etiam solliciti omnes visi sunt, ut illae ederentur in vulgus, ut regibus Galliae atque Iberiae, ut Pontifici ostenderentur. Haec enim suadebat Anglus admi-


mulier admittere, quae non anglie sed gallice cogitaret: anglicum enim dicendi modum non gallicum reddunt, etsi gallicis verbis scripta fuerint. Quapropter differre omnino apparent carmina in vinculis a regina exarata ab iis quae in capsula illa una cum litteris reperta sunt, pariterque litterae, quas ipsa sponte sua atque saepe scripsit, ab iis quae tamquam criminis documenta adducta fuere. Rem adnotaverat ipsa regina, cum ad selectos sibi patronos in iudicio scriberet viros esse scotos permultos, qui satis facili peritia gallico sermone uterentur. Erant reapse, subdit Lang, Scoti in reginae aula, qui gallicam linguam callebant, at qui ferme eam, post maternam anglicam, linguam didicerant; quare quisque ex iis si litteras gallico stilo scripsisset, legitimum illum sonum nunquam reddidisset, quem mulier gallica in terra orta in auribus sponte acceperat.

A. COSTAGGINI.

aut secundum – id quod audacter dicimus – in imperio Austriaco-Hungarico hand reperitur.

Globus hic, cuius diameter est 1.4 metri, et cuius superficies 6.2 metrorum quadratorum, iam anno MDCCCLX construi coeptus est. Internum eius spatium penitus meris orbibus ligneis per columellas inter se coniunctis completum est. Superficies seu velamentum globi ex laminis ligneis tenuibus consistit, et massa cretacea puniceaque glutine coniuncta illinitur, levigatur et politur.

Prima difficultas conspecta est, quum globus meridiano et axi insereretur. Una ex parte inclinatio nimis magna, gravitatis momentum vitiosum erat. Tentata diverso modo reparatione vitii, in parte leviori lamina plumbea inserta, in parte opposita perforationibus adhibitis difficultas est superata, et globus in meridiano ferreo circum axem suum conformiter movetur intra annulum ligneum 15 1/2 centimetrorum la-



Leonis PP. XIII vita rusticana.

Aula, et exedra rotunda. (Photografice expresserunt FR. ALINARI, Florentiae).

nister legato illi, qui apud Lutetienses morabatur, datis litteris, in quibus haec inter cetera leguntur:

« Haec documenta, utilissima nobis ad eius (Mariae) honorem labefactandum evadunt, quod, antequam quidquid aggrediamur, maxime est necessarium ».

Ceterum Andreas ille Lang scribendi rationem litterarum sedulo penitusque exquisivit, planeque reperiit esse falsis interpolationibus corruptam. Neque enim authentica documenta supersunt, sed exemplaria, quae habemus, si sedulo perpendantur, reginae notas una cum interscriptis, alia sane manu, litterulis, atque verbis proferunt. Idemque de stilo dicendum, de carminibus praesertim, quae Wyzewa criticus passim falsa atque efficta existimat. Litterae enim, sive carmina, etsi Gallica lingua exarata, non eam tamen scribendi artem indicant, quae sit propria mulieris Gallica lingua tamquam nativa, minime vero tamquam studio et labore comparata, utentis. Errores enim lapsusque, qui in iis inveniuntur, etsi dederimus turbato atque commoto reginae animo esse adscribendos, haud ii sunt tamen, quos potuisset

EX MORAVIA

Opus « vere monachicum ».


ANNO MDCCCLXXVII diversis diurnorum plagulis laudatum est opus *Origines Cistercienses*, auctore D^{re} Janaushek, ex Ordine Cisterciensium Zwettlensium, quod criticus quidam vir, satyrico aliquantum pungens aculeo, opus doctissimum « vere monachicum » appellavit.

Huic operi in orbe litterarum et historiae ecclesiasticae, suo in genere aetate recentissima praestantissimo, aliud novum comparari potest « opus monachicum », quod partem geographicam et mechanicam in eo considerantibus non modo summae atque indefessae diligentiae, verum etiam ingeniosissimae inveniendi indolis clarissimum documentum et cacumen exhibet. Opus hoc, laude non minus, quam admiratione dignum, est globus ille terrestris, in bibliotheca monasterii Raigradensis Ordinis S. B. in Moravia spectando propositus, cui simile quidquam

titudine et 2 centimetrorum crassitudine. Globus cum annulo et meridiano nititur columnis quatuor ligneis, quae inter se transversis per crucem assereculis coniunctae et inferius rotulis ex orichalco ad movendum instructae sunt. Quinta columna, ceteris quadruplo crassior, machinationem continet, partem operis artificiosissimam, quam revelare invito auctore nefas esset.

Auctor et inventor operis fuit Adalbertus Slouk, Ordinis S. B. sacerdos Raigradensis. Difficillima operis pars erat terrarum mariumque situs delineatio atque depictio et machinationis ad movendum globum compositio. Columnae mediae, quoad opus erat, excavatae, inclusae sunt plures rotulae certis rationibus adaptatae et pertica cum spira movente coniunctae. Haec spira movens, quae attracta et intensa globi motum efficit, inferiori axis polo adnexa et capsulae inclusa, dum attrahendo intenditur, septem circumactiones admittit, quarum una sufficit ad globum per tres dies commovendum; igitur septem spirae huius circumactionibus, id est, plenis spirae viribus intensis globus per 21 dies continuos commovetur. Qui motus, quia regulari-

tibus esset. In solo, coquina et conclavia duo pro famulis habentur; unicuique superius tabulatum omne solius est ad usum Pontificis. Aula sericis per parietes ornata telis, viridi colore et auro intertextis, thronum habet ab Armenis Pontifici, iubilarem episcopatus sui annum feliciter agenti, dono datum. Binae hinc et inde portae cubiculo praebent aditum, ubi Pontifex dormiat; praebent oratorio, seu sacello domestico aditum, ubi altari, eo stylo, quem gothicum appellant, perfecto, aulaeum impendit pulcherrimam Deiparae effigiem ostentans. Altare integrum et quot exornant, Dioecesis Ratisbonensis, iubilaeum sacerdotale celebranti Pontifici gratulans obtulit. Proxima turris Leonina exedram rotundam praebet fornicem habentem inscriptum stellis prout sidera in emisphaerio nostro micant, quem pinxit Seitz eques, hac arte, dicitur, ut sidus Leonis mirabiliter coruscet, et electricle satagente, lux quae a stellis diffunditur locum illuminet suavissime penitus. Atrabatica stromata, quae parietes celant, ex Belgico opere sunt, exemplaria chartis dante Seitz eodem, curante vero operam Comitissa De Merode in parthenicomio, quod in arce sua Vesterloensi molita est, ut puellis esset inde labor et lucrum ex opere isto aulaeorum. Binae sunt fenestrae turri, quarum altera Pamphyliam villam ad austrum spectat, altera ad orientem Albanos tumulos atque lucos et Montem Cavum super hosce eminentem. Tertia fenestra muro obcaecata est ad extra; spatium intus omne relictum est, quatuor quippe metris crassi sunt muri, ibique lectulus temporaneus est Pontifici pausanti, siquam diei horam elegerit. Simplex satis ubique suppellectilium genus, ita ut T. Pomponii Attici redeat in memoriam domus, quam non luxuria sed mundities, non otiosa copia sed utilitas et opportunitas commendabant. Turris aliud latus aedificio nititur, in quo hospitia sunt pro nobilibus corporis custodibus, helveticis vigilibus, famulis, et militibus loca circum praetoriano more tuentibus.



Leonis XIII vita rusticana.

Oratorium. (Photographice expressit F. DE FEDERICIS, Romae).

At in rusticatione ipsa non licet otioso esse Pontifici. Peractis, quae mane sacerdotis in munere sunt, decima diei ante meridiem hora



Leonis XIII vita rusticana.

Aedium prospectus. (Photographice expresserunt FR. ALINARI, Florentiae).

audit, quae sibi a secretis purpuratus refert de omni orbe terrarum; instantia quotidiana, sollicitudo omnium Ecclesiarum. Parco refectus cibo, ut solet, dormitatuineculae interdum brevibus momentis concessis, quarta circiter post meridiem hora modo curru per hortos vehitur, modo pede singula inspecturus, quae ad cultum hortorum sunt, praesertim ad vineta, quae illic, exigua quamvis, voluit excitata omnibus munita adminiculis, quae hodie celebrantur; nec minus interea cum sociis, quos interdum adhibet viros clarissimos et sapientissimos, de gravissimis agit Ecclesiae rebus in hoc summo Christianae reipublicae tempore.

Haec Leonis XIII Pontificis innocens rusticatio; hoc interurbanum rus Leoninum.

H. P.

MARIAE STUART, SCOTORUM REGINAE, MYSTERIUM.

DE Mariae Stuart, Scotorum reginae, culpa atque crimine, quibus capite damnata est, apud Scotos Anglosque saepe adhuc disceptatur: vertitur autem praecipua quaestio, ut inquiratur utrum scripserit necne Maria litteras, quas in capsula illa celeberrima invenerunt repositas ac *lettres du coffret* dixerunt, unde praecipuum argumentum emicuit, quo rea maritalis caedis ipsa habita est. Rem nuper Andreas Lang pertractavit funditus, in libro superiore anno Londini edito, qui a Mariae Stuart mysterio inscriptus est (1).


Ex libro autem colligitur primum reginam iam cum in Scotiam e Gallia confugit ad suam

(1) ANDR. LANG. *The Mystery of Mary Stuart*. — London, 1901.

ipsius ruinam occurrisset; enarrat enim Brantome in *Vitis mulierum celeberrimarum* ipsam aegre admodum iter iniisse, cuius per tempus fletum nunquam intermisit. Tunc enim Scoti romanae ecclesiae sacerdotes eiecerant, iisque dominabatur Ioannes Knox, qui oppida et urbes peragrabat, odium in romanum pontificem atque simul in ipsam reginam fovens quam maximum. Hunc ut oppugnaret, viros, qui sibi tutores essent, regina delegerat Murray fratrem suum, Lethington, quem a secretis renuntiaverat, Morton cancellarium; omnes vero perditissimis moribus atque ad omne scelus patrandum paratos, ut sua munera servarent atque augerent. His accesserunt Darnley, reginae maritus, cui successit brevi Bothwell, impavidus tamen, omniumque saltem apertissimus. Ipsa autem, ut muliebris ingenii est, dominum sibi anxie quaerebat, cuius manibus sese committeret regendam, licet ipsa esset virtute fortis, strenuoque animo valeret.

Primum itaque habuit dominatorem Murray fratrem, qui tamen eam passim aemulae eius Elisabeth prodebat. Cum autem Darnley maritus nullus animo et viribus esset, cumque ita Rizzii itali consiliis regina uteretur, foedam

inde incusationem passa, et Rizzium vidit, se coram paene, Darnley opera necatum, qui nova semper molimina in eam parare contendit, quae perfidi consilarii Murray atque Lethington referebant ad Mariae aures. Tandem ianuario mense an. MDLXVII mulieri hi suaserunt ut curam corrigendi viri, quod a Deo quotidie implorabat, ipsis committeret, qui comitiorum suf-



Leonis XIII vita rusticana.

Cubiculum. (Photographice expressit F. DE FEDERICIS, Romae).

quia in abolitione innocentissimi prophetae, sed invisi, suo quidem consilio, alieno autem scelere, Pilato scilicet Romanisque, utebantur, nihil enim reliquere inausum ut a Pilato cruci traderetur moriturnus, sperabant se posse Deum ipsum perfrecta adire fronte, monstrantes polymitam virtutibus et prodigiis Christi vestem resper-sam sanguine, dicentes: « Haud quidem nos occidimus fratrem, sed fera pessima devoravit Iosephum ». Quenam fera, quaeso? Illa, quae Danieli videnti in visione noctis apparuit, quartum obtinens regnum et imperium novissimum super omnibus regibus et populis orbis terrarum: « quarta, — scilicet, — bestia terribilis atque mirabilis, et fortis nimis; dentes ferreos habebat magnos, comedens atque comminuens, et reliqua pedibus suis conculeans » (1). Sed numquid iudicem Deum fallerent? Eruitur de cisterna venditus Ioseph, et Ismaelitis datur servus habendus, sicuti Christus venditus a sepulcro assurgit, et ad idololatrias expellitur, regnaturus ut Ioseph: « nolimus, — enim dixerant, — hunc regnare super nos », dum interea « non erit eius populus, qui eum negaturus est ». Tu ergo diversas narrationis eiusdem phases interpretatus, mirabiliter distingues quid praecipue indicare voluerint, utrum iudicantem, an patientem, an glorioso exaltatum in solio, an post mortis infamiam in sepulchro oppressum, an derelinentem ingratos, an demigrantem ad externos. Sic integer tibi rei sensus erit, sic, quae significanda indicent, perfecte cognoscere.

Verum historia haec, symbolis foecundissima, interdum exponitur, inducto Iosepho, qui fratribus somnium enarrat: « Audite somnium meum, quod vidi. Putabam nos ligare manipulos in agro, et quasi consurgere manipulum meum et stare, vestrosque manipulos circumstantes adorare manipulum meum » (2). Iterum narrantem adducunt somnium aliud iisdem: « Vidi per somnium quasi solem, et lunam, et stellas undecim adorare me » (3). Utrumque somnium, utramque picturam symbolico ritu ad Christum translatam, nam « omnia in figuris contingebant illis » quamplures, ceteroquin scitissimi, interpretati sunt de exaltatione Christi; in errorem, ut puto, deducti verbis indignantibus Iacob, qui filium increpans ait: « Quid sibi vult hoc somnium, quod vidisti? Numquid ego, et mater tua, et fratres tui adorabimus te super terram? » (4). At symbolorum diversitatem qua par est gravitate si perpendissent, profecto vidissent in hoc secundo somnio agi de re, quae commune nihil habet cum illo priore. Symbolicae Scripturarum voces, vocabula, imagines per symbola Scripturae ipsius interpretanda sunt, nec licet quasi festinantibus abire; nisi enim scrutati fuerimus altius symbolicam veritatem, fortassis nihil, ut spero, detrimenti in rebus, quae ad fidem pertinent, capiemus; at recondita in symbolo veritate carebimus, et erimus quasi precem recitantes, quam aure sono callemus, quid vero petat, quae dicat, quae moveat non intelligimus. Itaque rem ad rem ex nostra sententia in proximo numero revocabimus.

SENIOR.

(1) Dan. c. II, v. 30; c. VII, v. 7 et 28.

(2) Gen., c. XXXVII, v. 7. — (3) Ibid., v. 9. — (4) Ibid., v. 10.

VITA FUNCTI VIRI CLARIORES

Ne clariorum virorum, qui ex hac vita migrarunt, series apud nos imperfecta relinquitur, quamvis non sine aliqua retardatione et mora, iuvat memoriam recollere Ioannis Iosephi Benjamin-Constant, inter Gallos pictoris ob oris exempla praesertim illustri laude celebrati, qui Lutetiae Parisiorum decessit; et Durand mulieris, ex Gallia pariter, quae ficto nomine Henrici Gréville commenticias fabulas multas, easque satis probatas edidit.

Ad Dresdam autem, in oppido Sibyllenort, gravis annis placide quievit Albertus Fridericus Saxonum rex. Strenuus quondam miles in bello, pacis diuturnae munera regno suo deinde comparavit.

Mediolani sexaginta annos natus obiit Eduardus Porro Patavinus, gynaecologicae disciplinae nostris diebus facile princeps. Eum doctrina a terra ad Deum amovit, erexit, cuius iustitiam timuit, caritatem complexus est, miseris sublevandis omni studio intendens.

In Urbe XI kal. August. subita morte exstinctus est Miecislauus Ledóchowski S. R. E. pater purpuratus, cuius nomen cum tempore illo romanae ecclesiae infausto, quod Kulturkampf dixerunt, intime consociatur. Cum enim Borussiae regis administri, auctore Bismarck, vi cogere vellent Poloniae sacerdotes ut catholicae religionis praecepta germanico sermone, a Polono populo ne intellecto quidem, docerent, Ledóchowski, Gnesnen. et Posnanien. archiepiscopus, licet ob genus clarum et privatas necessitudines Imperiali familiae adiungeretur, inter primos restitare non dubitavit. Itaque in ius vocatus, multa imposita, dein munus deponere iussus; ille vero metu numquam fractus imperata sprexit, ob eamque rem in turrin ad Ostrowa vi est detrusus. Tunc Pius PP. IX captivi virtutem purpura decoravit, cui tamen contra omnium spem poena integra solvenda fuit. Vinculis liberatus in exilium est pulsus, frustra Cracoviae recedens unde dioecesis sibi dilectam moderaretur; illo enim ex ultimo perfugio civilis Austriacorum ratio eum elecit. Vaticanam tamen patebant aedes, inter quas cum Pontifex recepit omni insectatione securum custodiens, usque dum, pace tandem an. MDCCCLXXXV cum Germania composita, eundem senectute et morbis defatigatum, sponte sua cura dioecesis, cuius titulum continenter tenuerat, dimissa, ad altissimos Ecclesiae honores provexit.

Natus erat Gorki ad Sandomiriam IV kal. Novembr. an. MDCCCXXII. Sepultus est Romae in conditorio « Congregationis de Propaganda fide », cuius nunc praefectura gerebat; eius autem cor in Poloniam patriam est delatum, cuius ob salutem tot annos palpitavit.

I. F.

DE GERMINANTIBUS ET FLORIBUS

ANIMADVERSIONES NOVAE.

AVUNCULUS meus, vir acuto sane praeditus ingenio, penes quem ab infantia educatus ad iuventam fui, saepe mihi dicere solebat, quod semel legisset numquam se memori animo deponnisse; quum autem vitam, quotidie legens, ad senium usque traduceret, facile potest intelligi quanta eruditione in historicis, in physicis, in metaphysicis rebus gauderet. Occasione itaque arrepta, cum deambulatam praesertim me duceret, a flore, ab herba quavis, a lapide, a testa, a sole, a luna late spatiabatur suavi et facili sermone familiari per infinita propemodum genera rerum. Atque haec erat summo viro frequens ac deliciosa sententia: Quemadmodum discordia rerum multiformi omnia tamen admirabili concordia continentur, et in unum res diversae nituntur et unum ob-

tinent, sic, similitudine unius legis, et faciei unius omnia abeunt et convertuntur. Tellus, aqua et ignis terraqueum hunc, quem incolimus, orbem conficiunt. Ubi ardore intimo profunda conferbuerunt, quatiuntur montes, et conceptus admixtione aquarum ignis terraemotus et vulcanos gignit, eructantes disiectos e via sua lapides, saxa, vapores aqueos, ebulliens coenum, et sexcentas huiusmodi pestes. At violentia ipsa consumptus, quasi lassus residet ignis furialis, et dicimus dormire vulcanos, dum in imis novas comparant in immaniora vires. Sic et plantae, ubi hieme integra radicibus congruos excepere sibi succos, descenditibus pluviis inferius et deducitibus principia vitae, quae sol, quae lux in superficie soli aestate et autumno diffuderant, vere novo ac tepentibus zephyris vitam inferiorem ad ramos inducunt, floresque frondesque fructusque cient uberrimos. Dicimus hieme dormire plantas, dicimus vere expergisci, et expergefatas aestate et autumno pulchra et utilia praebere floribus, frondibus, fructibus. Sic et animantia; homo imprimis, qui die ferme integra in labores incumbens plurimas vitae suae vires sudore, halitu disperdit, plura et haurire solet pulmone, cute, quae ad mortem inducerent, nisi ab opere opportune cessaret, et, natura satagente, adversa dormiens expelleret, iuventia admitteret, et, cibo in stomachum illato, sanguinem reficeret principiis viduatam suis per laborem et per vigiliam. Quod ita exploratum est, ut, qui nullis in laboribus vitam agunt, brevi et iniucunde dormiant; siqui vero ex his nimio quiescant, erasorem segnioremque ideo sanguinem adstruunt, quo tandem apoplectico morbo conficiantur. Hinc vigiles diu macrescunt; plura enim dissipant quam recipiant; hinc somnolosi, pigri, segnes, somnolenti, obesitate, pinguedine septi, ingravescent, quia pauca disperdere quotidie, plurima quotidie congregatis et superfluis cumulavere. Et quemadmodum ex animantibus nonnulla sunt, ita temperante et constituyente natura, quae, dum reliqua noctu pausant quia non vident, ipsa vident et agunt, et huc illuc videntia feruntur comparatura sibi cibos, quales noctuae, stryges, bubones, leones, lupi, et ferme carnivorae belluae omnes, sic et in plantis nonnullae sunt, quae interdum contraxere calices, demisere frondes, languerunt, dormierunt, quales campanulae, mimosae pudicae, hedysara strobilifera; haec, nocte adventante, quasi excitatae humidioris aëre, quasi lucis nimiae obcaecantis vi liberatae, vitam recuperare et actionem sibi propriam exerere videntur.

Nunc ergo ad propositum cominus veniamus; dicimus dormire, quia dormitionem nostram nos requiem vocamus, et, nostros per modos et verba, reliqua indicamus, quae non habent interdum iis nostro dicendi more tribuentes, uti cum dicimus: « in profundo, in latebris animae, ad dexteram Dei ». Oculus, quia rotundus est in pupilla, caelum et quae ad horizontem sunt circulari semper videt ritu curvata; si quadrata pupilla gauderet, rectum omne et in quadro conspiceret. Somnus plantarum et florum similitudinem habet cum somno animantium, et dici potest reparatio virium, quas labefactavit labor necessaria vitae consumens, contraria vitae ingerens.

ter incedit, machinationis artificium perfectum manifestat. Spirae moventi proximae adhaeret rotula, in modum annuli ingeniose in eam finem addita, ut spirae ipsa ne vehementissimo quidem ictu aut concutiente impetu laedi frangere possit. Tota illa machinatio artificiose constructa novem rotulis censat.

Sed, si quis, maiora intendens, necdum inventionem non contentus, etiam anni dies et menses et horarum motum circum solem voluit illustrari. Hunc in finem altera machinatio addita, et superiori polo axis globi affixus est. Hic continetur duos orbes numeris circumscriptos, quorum unus horas, alter dies et menses indicat. Super hos est linea ecliptica, zodiacus, infra quem terra movetur, et cuius centrum est sol. Quae omnia conformi coniunctione cum globo duodecim rotulis ratione diversissima inter se combinati efficiuntur, tam ingeniose et exacte, ut, ex quo globus illa movetur, nulla unquam temporis aut signorum intercedat differentia. Itaque superne in hoc globo

etiam horarum locus in terrae superficie ad libitum desideratus habeat, ad quod negotium id solum requiritur, ut eius loci longitudo geographica in globo legatur.

Viris rei gnaris, globi nostri machinationem considerantibus, procul dubio patebit, sacerdotem nostrum ingeniosissime invenisse atque construxisse opus, nullo usquam opere simili superatum. Quod si inveniendi indolem manifestat, profecto altera ex parte tabulae geographicae diligentissime et elegantissime descriptae, nihil eorum, quae novissime detecta sunt, negligentes, non minus indefessae industriae, quam invindendi artificis ingenii testimonium praebent.

Tota globi superficies consistit 290 tabulis geographicis inter se conglutinis, et lacca obductis, ne aëris intemperie laedi unquam possint. Ut denique, quidquid machinationem et iustum globi motum turbare possit, praecaveatur, globus circum annulum ligneum clathris artificiose confectis instructus est.

Hac ratione post quindecim annorum conatus atque labores opus « monachicum » feliciter confectum indicantibus quibusvis rerumque gnaris in bibliotheca Raigradeni spectandum proponitur, quod nemo spectantium sine comprobatione relinquet.

Scrb. Raigrad, Idibus Iulii a. MCMLII.

MAURUS KINTER.

Nulla tanta humilitas est, quae dulcedine gloriae non tangatur.

VAL. MAX. lib. 4.

Nec mora: iam ceteri patriam demumque relinquunt; migrat dea, atque ipsa capite rotat.

Haec dum turba patitur, regna, quae nunc habet, amittit.

Cernit, quam pariter porrigit, auricula.

Haec veritas, longaeque sint, namque longus.

Anticypa dicitur, quae rala, quae rala.

Ac brevior licet, quam struthio, nasceretur aure,

Iam nequid vacuum pectus habere metus.

Subridens gryllus: « Mihi tu quid cornua cantas? »

Mollibus ornabit te Deus auriculis.

At lepus insistit: « Sic est, cornutus habebor, »

Frater et immitis rhinocerotis ero.

Frustra testabor Superos: non audiat ulli.

Anticypa dignus dicat et helleboro » (1).

LXII. — VULPES CUI CAUDA ABSCISSA.

Vulpes, pullorum clades leporumque corripit,

Aetas cui senior, mensaque referta dolis,

Iam famosa suis longe lateque rapinis,

Cacis in laqueis denique capta fuit.

Hinc tamen evasit, quamquam non integra: pignus

Ceptori caudam liquerat illa suam.

Libera iam vulpes, membro licet orba decoro,

Dedecoris socias quaerit habere sui.

Ergo in concilium vulpina gente vocata;

« Quid nos - gannit - onus pensile, cauda iurat? »

Verrit humum, sordes relegens ubicumque riarum.

Credite mi, sociae, symmata vestra cadant.

Junior hinc: « Dictum bene, sed responsa priusquam

Dentur nostris, relis vertere terga, soror. »

Irruit mutilam clamoris turba cachinnis,

Vosque perorantis tecta fragore fuit.

Vulpibus haud placuit nativum ponere ritum,

Mos antiquus ad hunc perstitit usque diem.

(1) Est Anticypa maris Aegaei insula, ad quam, utpote helleboro feracem, Graeci mente captos mittebant. Hinc tritum illud: *Naviget Anticypum*.

DE "SYMBOLISMO" (1)

III.

Saepe una in tabula symbolorum sensus duplex habetur, quem utroque sensu legere oportet, si sapientes esse velimus; illa denique retinenda interpretatio est, quae loco, quae tempore magis apta consentire videatur. Et quidem de interpretatione hac exemplum afferam, quum longum iter per praecepta, breve per exempla sciamus. Historia Ioseph, filii Iacob, interdum, biblicis hausta ex narrationibus, per parietes « catacubarum » picta recurrit. Non eadem semper tamen. Quid enim commune est inter Iosephum regia accinctum clamyde et cultu regali omni exornatum, iubentem in horrea, quae divinus exstruxerat, congregari frumenta, et Iosephum eundem spoliatum polymita veste, quam ei donaverat Iacob, et seminudum, et vix cinctum esomide demissum in cisternam a fratribus? Atqui prior ille Ioseph Christum ostendit venientem e nubibus caeli, horrendo iudicio mittentem angelos ut zizaniam et lolium separaret a messe iustorum, et congregantem electos suos in horreum, relictis, immo amandatis « in tenebras exteriores, ubi erit fletus et stridor dentium » praescitis. Alter iste Ioseph Christum ostendit a fratribus suis Iudaeis sexcentis positum insidiis, ut « eraderent eum de terra viventium », opusque eius ingens, Ecclesiam scilicet Christianam, una cum eo sepelirent. At

(1) Cfr. n. XV.

LXIII. — LUPUS ET EQUUS.

Vidit equum lupus in prato, quo tempore talus,

Frangere duxisset, vere recente tepet;

Quo solent omne pecus stabulis erumpere, gramen

Ut, virides per agros, molle novumque vorant.

Vidit equum lupus, et praeda lactatus opima:

« In mensam - dicit - tu mihi ferula dabis.

Si caper ipse fores, te protinus ungue tenerem;

Nunc tamen est cum vi fraus adhibenda simul.

Fraus igitur vim praecedat. Sic fatus, amica

Fronte, gravi passu trux adit hostis equum:

« Huc - ait - Hippocratis venio perdoctus alumnus,

Vis quem plantarum nulla vel ima lateat.

Morborem valeo genus omne fugare; nec artem

Dum propriam laudo, blandior ipse mihi.

Ergo prode tuum, somipes clarissime, morbum,

Atque meam gratis experieris openam.

Nam quod te video sine compede rure vagari,

Sanguinis impuri proditur indicium. »

« Caeco - subdit equus - mihi calx dolet ulcere. » - « Fili,

Multipli calcem discere patere malo.

Iam dudum genti medicus, chirurgus equinae

(Qui mihi summus honos) obsequor ipse tuas.

Improbis haec loquitur, meditans quo tempore dextis

Aegrotis iugulum dente furente petat.

At fraudem subolens, somipes dat calcibus ictum,

Quo fracti dentes dissiluisse lupo:

« Haec merito patior - musas collisus - in arte

Par est, artificem sistere quemque sua.

Debueram munus non affectare salubre,

Qui sum carnificis natus ad officium. »

(Ad proximum numerum).

CONSTANTINI PISONI

CANDELARUM AD SACRA OPIFICIUM EXCELLENS, PRAEMIIS INSIGNE


ab anno MDCCCIII constitutum

Romae in Italia, Corso Vittorio Emanuele 127-129 et Via de' Sediari 1, 2, 3.

Vaticanam Basilicam instruit, quoties de Beatificatione aut Canonizatione solemne sit.

Cientes frequentissimi sunt in Urbe, in Italia et apud exterarum gentes.

Fama undique manavit.



Cereas faculas ad noctem conficit, easque ad decem usque ac duodecim horas alternas, Ecclesiis ac familiis necessarias, quod parsimoniam cum salubritate et munditie coniungant.

Vitrea faculis suppeditat.

OPIFICII PISONI PROSPECTUS
ROMAE, Via Orti Alibert 13-15 (Lungara).

Res per omnem orbem exportatur nullo iuventium impendio

VARIA

Corallinae rupis antiquitas.

Alexander Agassiz, in regio athenaeo Edimburgensi praeceptor, tandem illa edidit, in quae decimoquinto iam inde ab anno incumbbat, plurima quaerens, invisens et scrutans circa corallinas rupes, transtra (*bancs*), sic aiunt, et aedificia corallina, quibus in Atlantico et Pacifico Oceano pleraeque insulae constant. Adversus ea, quae Darwinio placuerant, probat Agassiz huiusmodi rupes fieri non dehiscentia solo submarino, sed elatione soli, praecipue ex creta, quae semper fundamentum et basis horum aedificiorum est. Numeros inde accivit, quibus testantibus aetatem talium decerneret; sunt enim quae centum et octoginta metra altitudinis subaqueae habeant, et immensum opus invisibilibus concrevit exuviis animalium invisibilium. Hinc ipse infert tempus annorum 45000000, non minus, necessarium fuisse ut extruerentur; esse tamen insulas, quae diuturniora tempora, et valde remotiora ab ortu sibi vindicant.

De Ioachimo Rossinio.

Quae de musica indole, quae de facilitate Rossiniana in scribenda musica narrantur fabulam ferme contingunt: haec tamen ab eius historia ipso confitente hauriuntur. Anno uno quinque dramaticas fabulas notis ornavit; fabula quae inscribitur *Barbiere di Siviglia* tredecim diebus absolvit; Semiramidis fabulam tribus ac triginta diebus explevit; ceteras plus minusve intra mensem, praeter tamen Wilhel mum Tell unum, cui quinque circiter mensibus adstittit; ponas tamen, rogo, quod illo in tem-

pore piscationi et hamo potius quam musicae scribendae navabat operam. Partis vero divitiis, talentum terra obruens, obmutuit, totus in coquina et obsoniis.

Eundem Rossinium acutum virum ac saleum fuisse satis constat. Cum Lusitanorum rex olim eum invitasset, ut se fidibus ludentem audiret, — delegerat autem ad specimen ipsam Rossinianam musicen — cumque, sui documento expleto, Pisaurensis de sententia rogasset: — « Ego vero probo — inquit Rossinius — hac praesertim de causa quod reges nullam suarum rerum rationem cuiquam reddere coguntur. At memento, rex, te iam ante periculum hoc iudicem me optimi tui Portugalliensis vini elegisse; nondum autem reum in ius apud me vocasse.

Ex ore iudicium.

Speculator quidam naturae ex risu modo hominis cuiusque habitum se cognovisse professus est; reique normam sic in ordinem redegit:

Qui « ah! » exclamans ridet, hic iucundus animo, versatilis, at interdum simulator. Heluonis etiam haec nota est.

« Eh! » risum edunt melancholici et in opere lenti.

« Ih! » pueri, simplices, dubii.

« Oh! » viri apertae voluntatis, liberales, firmi.

« Uh! » denique tristes hominibusque inimici. Ecquid vero de perditis hominibus? Profecto omnibus vocalibus simul iunctis rident!

P. d. V.

EPISTOLARUM COMMERCIIUM

Cl. v. FR. PAL..., Pragae (?) - Aenigmata quae misisti edita sunt pleraque; pergratum profecto feceris, si alia miseris.

Cl. v. IUL. LECL..., Lugduni. - Cibumne ad fraudem posuisti?

Cl. v. F. ARN..., Mediolani. - Caput de quaestionibus inter socios propositis minime in *Voce Urbis* abolevimus, sed una de causa omisimus, quod argumenta a sociis non amplius proposita fuere. Quae versaris in animo de pronuntiatione latini sermonis, itemque de recte latine scribendi praeceptis, ea illius capituli propria sunt. Scribas igitur, et nos lectoribus proponemus.

Cl. v. VILHELMO REI..., Amstelodami. - Non carmina, sed solutas orationes mittas, easque acutas et graves. Carminibus redundant foruli... et cistellula.

Cl. v. IANUARIO RICH..., Panormi. - Librum de latina elocutione, quem A. Cima noster condidit, frustra apud bibliopolas requireres ante mensem octobrem; non prius enim rursus edetur.

Cl. v. IOAN. REY..., Barcinoniae. - Bene illum existimasti arrogantem, et merum rus. Ecquid igitur? *Sunt lacrimae rerum!* Misericordia utamur.

Cl. v. GEORG. WELL..., Turici. - Tabulae auctionariae apud nostros librariorum plerumque haud venundantur; quin etiam nullo ad petentem pretio mittuntur.

A SECRETIS.

Hæc ille, qui Angelum Moeso physiologum certe non novit. At quod ille ingenio tantummodo coniciebat, Mossus hic experimentis et acientia adaptus est, ac probavit institutis experimentis in venena, quibus nostra corpora labor inficit, et veluti, narcoticorum instar, opprimens nervos, ad inertiam adigit omnimodam corpus totum pene obtupesciens. Atqui occiderent ista venena; sed corpus ipse, nam germinat, vegetat, vivit, viribus suis congregatis adversus hoc mortis invadentis genus, stomacho faciente, novam in venas virtutem coniecit, quæ venena illa per os et halitum expellatur. Quæ siquis optima et vera probare possit, voluerit, commode potest. Ebrus enim, venena vini opprimens, in somnum delabitur. Incommodum stomachi hospitem, aggravantem rursus, et caput, obtupescientem sensum, vinum, licet lingam, debilitantem oram, provida sibi, utamur via, inita corpori, expellit rectum halitusque fastidio, et digestionem, vel vomitu, vel mroque, et profuso sudore, interdum provocato, dissipat, imo adigit foras, quasi scia domi tolerare.

At sunt in gemitibus, non in floribus modo, nonnulla ista venena, quæ narrare quidem, minus, tempore interpretari possumus, certa adiectione, quæ ita fiant; et hæc, nempe hic meli mon, sicut bonus ille vates, qui,

Deposita tractata vitæ potest, relinquit,

addita brevi explanatione ad voluptatem magis quam ad habendam fidem, libenter feliciore relligam, secundo, et feliciore scribenti.

Quodampluribus hæc mysteria capite continetur; quæ breviter per singula enucleabo. Primum est mysterium, quod nonnullæ arbores, plantæ, flores, præsentiantes quasi turbinem, autem, procellam, modo frondes incurvant pendulæque demittant, quas nuper habebant erectas et stantes, modo flores concludant; non ita homo erit, qui in agro arboribus erectis, vel in nemore, paulo ante irruptionem trahitur, paulo ante aidas copiosum, non animadvertit, omnia fauente contineri silentio quasi parentum arborum atque plantarum, odorem non sentit halitum ullum, quasi germinantia circum, tropident omnia ingruentem ruinam. Hoc visibiliter præ ceteris exhibet *Portia hygroscopia*, cui et *Peruvianum hygroscopum*, apud plures viridiorum cultores — quasi vulgare — nomen est, quæ folia incurvat impendente propius pluvia, et properante turbine, ut grandinis et imbrum iuriis pateant quo minus fieri possit, nam saevius verberarentur, contra erectas si starent. Hos vero motus, curas hæc ego non conscientiae, neque cognoscentiae tribuo, sed physico potius aëris influxui, quo vel relaxantur, vel erigantur, ut adversus venientem hostem unitæ, ideoque fortiores, cohaerent. Præstat idem quæque funis, et quæque cytharæ vel chelis chorda extis animantium confecta, quarum prima aestuante aëre relaxatur, humante contrahitur facta robustior, altera vero siccitate corripitur, humiditate producit; ideoque clare ostenditur hæc phenomena ad meras physicae leges esse revocanda. Equid si addas electricis vim inquietam per aëra discurrentem, quasi modum

locumque quaerat, quibus conversa in fulmen, aut in fulgur terra potitur?

(Ad proximum numerum).

M. LANI.

ANNALES

Regalia itinera. — Gallicae res. — Americana bella civilia. — Nova Sinensium pugillum gesta — Eduardi, Anglorum regis, coronatio.

Quæ in coniectura posita sunt de itinere a Victorio Emanuele, Italorum rege, Petropolim expleto ac Berolinum proxime suscipiendo, ea gravius his diebus agitata, tum ob classis italicæ ad Tripolitanam regionem accessum, tum ob Vilhelmi, Germanorum Imperatoris, adventum ad Reval portum, quo ipse Russorum Caesar se contulerat. — Atqui — dietitant — Vilhelmus, licet « viatoris perpetui » titulo honestetur, nunquam tamen sine civili aliqua ratione peregrinatur. Quid inde? — Quid?... Futura expectamus; ne præcurramus.

Ceterum insolita quadam peragrandi vi regales familiae nunc agi videntur. En Alfonsus Hispaniae suæ visitans regiones; en mater ejus Christina, petens Austriam patriam, quam tot annos non vidit; en in eadem civitate Carolus, Bænenorum rex; en denique Georgius Græcorum in Russia.

Bene ambulent! Vadant feliciter!

Profecto nulla est imperii causa, quæ Europæ nationes in discrimen aliquod adducat: in quiete versantur omnia, aut saltem, si motus aliquis heic illic fiat, intra civitatis suæ fines continetur, neque ceteras sollicitat. Sic, — ut contentiones præteream nunquam in Macedonia intermissas inter Serbos et Bulgaros — de gallicis tumultibus ob rigidissimam interpretationem legis latæ in religiosas sodalitates obortis. Seditio neque Parisios prætergressa dici potest; quamquam in urbe illa late manavit, neque verbis tantum sese continuit, sed ad arma quoque processit. Forsan Europæ gentes commovebit Dreyfusiana res, quæ stella quasi errans iterum emerit? Vir enim non Germaniæ, sed Russiæ inservisse nunc accusatur; negat ille, et innocentiam a quovis crimine rursus declarat; tum Gallifet imperator publice in diariis affirmat eum iam ex se crimen suum professum esse quod gratiam petiisset; Dreyfus contra gratiam se accepisse, non impetrasse præ se fert, idque ut via sibi pateret ad causam suo tempore resumendam. Res itaque in certamine singulari habetur; at quis dixerit novum civile bellum inde oriri haud posse?

Non id tamen, quod meridionalis Americæ Haitianam, Columbianam et Venezuelanam republicas pessumdat. Quarum in civitate quam primam nominavi imperatores, praesides, tribuni eliguntur vicissim atque abiciuntur; in altera exercitus pars ad Errera ducem rebellem defecit atque cum legionariis militibus acriter ad Dulce urbem congressa fusaque est; in tertia denique qui praesens imperium detrectant, Ra-

mon duce, pluribus victoriis suis confisi iam ad La Guayra portum contendunt, ut cingant obsidione.

Non meliores profecto nuncii ex Sinis afferuntur. *Boxers* enim iterum depopulaturi surrexere atque in Jungai provincia, cum imperialibus copiis proelio concurrentes, victores evasere provinciaque omni potiti sunt. Interea Mandciouriam latrones audacissimi late infestare praedicantur, eoque processisse, ut aliquot russos negotiatores vivos concremarint; inde Russorum copiae protectionem suam sine die prorogare coactae. Sunt autem qui affirmant inde nunquam eas migraturas, quod nunquam futurum ut radicibus mala hæc arbor evellatur. Intelligenti pauca...

Dum hos annales scribo Eduardus VII, Anglorum rex, Londini tandem diadema accipit. Gratulamur equidem, novumque regem coronatum laetis omnibus prosequimur.

PROPOPLICOLA.

AENIGMATA

I.

(Consonae permutatio).

Olim in Perside saepe meum reges habuerunt Nomen. Praecedunt fluvium quingenta sequen-

[tem].

Persicus ille fluat, sine; vel numerus redigatur, Inque duplum: dux grandis adest, qui multa [gerebat]; Cuius virtuti cessit Numida iste superbus.

II.

Non sum, nullus eram neque quisquam me capit [usquam]. Totum verte retro: tibi fausta malumve canen- [tur].

A. E. DE DRUFFEL.

Ex sociis, qui utriusque aenigmatis interpretationem ad commentarii moderatorem miserint intra duos menses unus, sortitus, gratis accipiat PETRI ANGELINI opus, cui titulus:

LOLLIUS

SIVE

DE PROVECTA LATINITATE.

Aenigmata an. V, n. XII proposita his respondent:

1) Rube, Ebur, Uber; — 2) Res, Ros, Rube.

Et rite soluta miserunt:

Ioan. Cantono Ceva marchio, *Vercellis*. — Aem. Gachwald Sch. Piar., *Praga*. — Car. Stegmüller, *Sabaria*. — Th. Vignas Sch. Piar., *Roma*. — Guil. Schenz, *Ratisbona*. — C. Tranchesi S. I., *Neapoli*. — Ad. Husa, *Grybovici*. — Ioan. Sobiesynski, *Katshak*. — H. A. Strong, *Liverpota*. — Coll. Scholarum Piarum *Stellae*. — Ad. Skrzypkowski, *Swinice*. — Ios. Rohozny, *Sandomiria Polonorum*. — Rich. Malotta S. I., *Bródow*. — Mart. Janu C. SS. R., *Cervenka*. — Iul. Sernatinger, *Dresda*. — V. Hertel, *Mendhusio*. — Ant. Allaria, *Augusta Taurinorum*. — Ant. Lassota, *Sutrio*. — Fr. Sallares Sch. Piar., *Sabadello*. — Ver. Carliato, *Vicentia*. — C. Perazzi S. I., *Mangalore in India*. — Nic. Dhederichs, *Seccorio*. — Petr. Garrone, *Pezzana ad Vercellas*.

Sortitus est praemium

C. PERAZZI,

ad quem missum est opus, cui titulus:

IN DIVUM ALOISIUM GONZAGA

CARMINA

CARMELI PEZZULLO.

Sponsor: IOANNES BAPTISTA CIAMPI, iurisperitus.

ROMAE — Ex officina Pacis Phil. Cuggiani.